



Direktoratet for naturforvaltning  
[postmottak@dirnat.no](mailto:postmottak@dirnat.no)

Vår saksbehandlar  
 Amund Johnsrud  
 Tlf. 35 95 90 32

Vår dato  
 2010-08-27  
 Dykkar dato  
 2010-08-19

Vår referanse 2010/00026/006  
 Arkiv: -C30  
 Dykkar referanse 2010/9830 ART-VI-JPB

## Søknad på bistand til skadefelling ved lokalisering av GPS-merkt gaupe i Telemark. Anke på avslag hos DN

I brev til Direktoratet for naturforvaltning (DN) datert 5. august 2010 søkte Telemark Bondelag, på vegner av landbruksorganisasjonane i Rovviltregion 2, om bistand til å lokalisere ei GPS-merkt gaupe. Dette var knytt opp mot eit skadefellingsløyve på 1 gaupe som var gitt Åmotsdal beitelag i Seljord kommune 14. juli, m/forlenging datert 4. august. I brev frå DN datert 19. august avslår DN denne søknaden (dykkar ref.: 2010/9830 ART-VI-JPB).

Vi ankar med dette DNS avslag i saka inn for Miljøverndepartementet som klageinstans, jf. Forvaltningsloven §§28, 29 og 32.

DN peikar på prinsippet om differensiert forvaltning i forvaltningsplanen for rovvilt i Region 2 som grunnlag for avslaget sitt, og at den aktuelle gaupa ikkje kan sjåast på som ein særskilt skadevaldar i det området det er snakk om.

*Vår grunngiving for å anke DN sitt avslag i saka er følgjande:*

At det er lagt opp til ein differensiert forvaltning i Rovviltregion 2, er etter vår meining ikkje relevant i denne saka. I forvaltningsplanen for regionen er grøn sone, som Åmotsdal ligg i, peika på som viktig område for å oppnå forvaltningsmålet på gaupe. Men situasjonen nå er at gaupe-populasjonen i Region 2 ligg godt over bestandsmålet, noko som er eit problem i seg sjølv for beitebruken. Vi meiner difor DN vurderer saka feil når dei i svaret til oss avgrensar bruk av GPS-data ved skadefelling til område utanfor ynglingsområdet for gaupe.

I forvaltningsplanen er det dessutan påpeika at grøn sone inneheld viktige beiteområde for husdyr. Omsynet til beitenæringa gjeld difor også i denne sonen. Vidare står det om forvaltningsstrategien i grøn sone:

### Bondelagets Servicekontor AS

Postadresse: Landbrukets hus, Bovegen 271, 3810 Gvarv.	Besøksadresse: Org.nr.: 9873730024 Org.nr.: 985063001 MVA	Telefon: 35 95 90 30	Telefaks: 35 95 90 39	E-postadresse: telemark@bondelaget.no
Telemark Bondelag Bondelagets Servicekontor AS	Org.nr.: 9873730024 Org.nr.: 985063001 MVA	Bankkonto: Bankkonto:	2630.07.00526 8101.05. 91392	Internet: www.bondelaget.no/telemark

Vår dato  
2010-08-27

Vår referanse  
2010/00026/006

Kvotejakt er det viktigste forebyggende tiltaket, og mest effektivt i å holde bestanden i samsvar med nasjonal målsetting. I skadesituasjoner skal det raskt kunne gis tillatelse til felling. (Forvaltningsplanen, revidert pr. 2009, side 24.)

Dette må tolkast slik at når løyve til skadefelling vert gitt, er det vidare eit ansvar for alle partar, også forvaltningsmyndighetene, at fellinga vert gjennomført på ein mest mogleg effektiv måte. Det tilseier at tilgjengelege hjelpemidlar, slik som bruk av GPS-data, må verte brukt for å effektivisere skadefellinga. Vi viser her til formuleringane i Regjeringserklæringa frå 2009, som seier mykje det same:

- Effektivisere skadefelling av rovvilt
- Det offentliges praktiske og økonomiske ansvar for skadefelling skal forsterkes og klargjøres, med sikte på at andelen vellykkede skadefellingsforsøk skal øke

Når det gjeld påstanden frå DN om at denne aktuelle radiomerkte gaupa ikkje er ein *særskilt* skadevaldar i området, viser vi til at iflg. data frå Scandlynx tok den same gaupa 11 sau, bare i løpet av den eine intensive kartleggingsperioden i juni i år. (Kjelde: Nyheitsbrev frå Scandlynx, august 2010.) At det samtidig finst fleire gauper som tar sau i det same området er ikkje noko argument for å "spare" den radiomerkte gaupa. Den alvorlege skadesituasjonen er tvert om eit argument for å leggje best mogleg til rette for å gjennomføre skadefelling raskt og effektivt. I dette tilfellet ved å bruke tilgjengelege GPS-data på den gaupa som ein har slike data på.

Vi er klar over at den nemnte radiomerkte gaupa har forskingsmessig verdi i Scandlynx-prosjektet. Vi meiner imidlertid at dette er eit moment som må vegast opp mot den skade og ulempe den nå påfører beitenæringa i området. Behovet for ein rimeleg balanse her tilseier at ein må leggje til rette for skadefelling av det aktuelle individet.

At Scandlynx-prosjektet i regionen dessutan går inn i si avsluttande fase nå (avsluttast alt i løpet av 2011), bør telje med når vår anke skal behandlast. Tap av forskingsmessige data vil i dette tilfelle bli av ein avgrensa karakter.

Med helsing  
for landbruksorganisasjonane i Rovviltregion 2

Kjell A. Sølverød/s  
Leiar, Telemark Bondelag

  
Amund Johnsrud  
Organisasjonssjef, Telemark Bondelag

*Kopi: Fylkesmannen i Telemark og i Buskerud  
Leiar i Rovviltneimnda for Region 2, Lars Bjaadal  
Åmotsdal beitelag v/Håvard Jønnardalen  
Seljord kommune, landbrukskontoret  
Norges Bondelag*